

百名家詩選

百名家選

福清魏憲惟度輯選

合肥龔鼎孳芝麓長汀黎士弘魏曾

景陵譚篆灌村歙縣汪楫舟次

劉友光

字魚計原字杜三攸縣人

聽祁門張令彈琴卽送之游漢上

疎桐引露清晨淥有客攜琴弄不足河輪之玉
嶽絕倫三終五終及華燭據膝持願移我情長
江奔雷連吳蜀廣陵未絕人不知中散曾授賀

令思雅曲自應傳雅人會稽明月吹君絲昔聞
載過祁山鼓更遣南薰滿庭戶天下萬物盡和
平廳事晝閒玄鶴舞龜山戢戢勢峻嶒四面黃
塵能蔽魯項不可騎腰難折袖拂朱絃同疏越
顏色流聲哀田文臺傾池平原更迭朝滿夕虛
豈足惟幽澗深林泉鳴咽莽麥茂茂傷西東高
山流水滿焦桐刺船更問漢陽樹湘絃楚竹怨
無窮君家侍中妙離鸞少年獨步入雲端斗酒
明日望潯水臨風送遠更一彈

過荆軻故居

以軀借人事不偶功竟無成環柱走辜負田光
賣頭顧督亢竟落秦人手何不須臾稍待客武
陽死灰隨其後易水蕭蕭至今寒何顏更對白
衣冠陳留博浪亦僥倖不依沛公終負韓危哉
大索滿沙中低徊荆卿將無同衰草黃狐掉尾
雉不分秦宮與漢宮我歌大招招太子魂歸不
必恨遼東

鄴下吊石氏

衰草迷離百感生三臺彌望失崢嶸曉開金雀
臨桑苑更遺銅駝徙洛城黃吻孤兒終送璽紫
綸少婦亦談兵可憐少被櫻桃誤縱有總灰洗
不清

寄懷潘吏部年丈

阿條風急各東西夢繞空林樹樹悽聞到厓山
悲往事

蕭初任廣
南州守

得歸王谷便幽栖蜂群舉國

隨花去玉苦終身入夢迷堪笑添園徒費我據
梧隱几物難齊

輞菴憇嶽堂落成

悠悠遠岫對閒扉
嵐翠何能與我違
橘柚天寒明細雨
芙蓉霜後歎無衣
有餘隙地移松補
不下疎簾待鶴歸
歷過名山難記憶
畱僧畫取伴漁磯

過玉泉山憇呂公洞遇王敬哉太宗伯談
西山往事甚悉

一泓羅帶碧于苔
意外從公與溯洄
閣下未畱韓愈跡
山中更有謝安來
芙蓉墮兔鴛鴦散
芳

草迷鄉鷓鴣哀聽說寢園沾聖澤冬青無用布
衣栽

生還

生還偶遂似羗村剪紙相招澤畔魂觸熱青蠅
終被獵訢寒鷓鴣最能言乘風掛席漁歸浦冒
雨移花蝶到門惆悵當時王錄事草堂三歲不
成軒

和龔芝麓先生

平原家法本東陽
謂無人亦自芳
入市碎琴

文已散看花憐蝶舞全忙奪哀人重曲江望行
樂歌傳種豆方不到玄亭因乏酒長懸薦杓憶

鵝黃

時龔公以
奪情爾任

黃鵠高翔憶樹芳兩九萍轉亦何忙登樓是處
憐王粲前席無聞召雒陽極目空懷湘岸草折
腸誰進越人方臨風自惜梅花賦林下無人月
色黃

雨雪中襄先安人墓畢感賦二首

霏霏雨雪四山垂鳥雀無聲望轉疑烟蔓已隨

封馬鬣軒車誰遣會牛醫及泉難盡寒羹淚斷
竹彌深逐肉悲獨有深情王大保遠遺諛墓到
孤兒

阜帶繻緜不甚拘七年叢棘繞微軀乾坤浩蕩
錐難卓杯棬飄蕭澤已枯芳草樓迷春雨恨生
芻豢落世情殊寒機軋軋鳴田婦腸斷燈前萬
轉呼

簡王貽上儀部

越人五步矢紛紛羽族無驚不亂群未解蘭香

湘水珮空移蕙帳北山文遺簪四海哀原婦修
竹殘春屬右軍南嶽獻嘲誰解得開軒收取自
怡雲

匠石年來見夢頻可知橘柚果非倫誰將野蘭
蒙珠的遙望山庭絕玉塵漢殿不譁長樂酒洞
簫傳誦六宮人梅花一意歸何遜嶺畔還開折
後春

丁景呂南游索書與梅村師聞師連舉三
子却寄

鯉魚窟宅滿江潭腹裡浮沉書數函近悉臨風
增玉樹虛將曳緒望金蠶鉤求根蒂遭賓戲斷
絕樵蘇與客談可喜河汾歸老後更無房杜與
朝叅

哀緒三眠柳漸酣綠經江北更江南門餘三尺
淹留雪野墜同時痛哭簪貧已無家翳獨樹春
猶遣典到雙柑門生老大諸兒稚醉後何人可
舉簾

朱漢臣使君被議聞重到長沙候命有寄

朱鎮番人也

長沙日落水蒼蒼
秋色從來遠此鄉
蕙苴一車瞻北闕
葡萄數斗憶西涼
大瓢日負行中野
獨樹年來稱草堂
可有山僧堪夜話
不妨風雨又瀟湘

聞歌

春風一曲鬪宜男
興慶池荒蝶夢愁
紅豆飄零誰倚遂
落花時節憶江南

聞笛

飛樓隔院玉缸明
漏洩天津橋上情
大小梅花俱是恨
幾迴催夢繞江城

劍堂頭四句

年來朽宅漸郎當
遙望東山更繞床
霜被水田晴對嶽
寒燒木佛曉開堂
長叅栢子沾花雨
不練松脂却老霜
委運姑隨雙鼠詰
安心不爲覓驢忙
桃花飯熟源何在
柳絮泥深春自芳
船子昂撓誰漏網
石頭覓路思逢塲
無生自應空諸劫
苦行何曾出上方
曉惜痴蠅閒紙穴
晚收支

鶴散松房優曇鉢底花無量簷蔔林邊路絕香
跌坐此中忘歲月不知塵外有滄桑

寄衡李黃憶溪

南來湖嶽氣全周一望能將千頃收伏櫪近來
安老驥奏刀何處有全牛尊前留客題黃鶴溪
上容人弄白鷗山色窺簾青九面開雲時一註
蝌蚪

崔五竺索題游南岳詩時子方守制家食
微霜吹頰髮團團草上白雁自明月來苦寒生

翰翮抱書開五雲略與說肝膈青草涵巾紫雪
濤相絡繹芙蓉九千丈南來已殊碧白袷青芒
鞵嵐烟遭充斥望君白玉虬洒洒祝融脊海日
盪襟期星辰隨手摘神鴈自高騫鴟鷂殊不惜
蕭艾苦因鸞偃蹇不越陌陋哉漢武皇雄心終
踟躕大半徙霍潛南巡氣蕭瑟獨有謝靈運持
斧縱雙屐此意差強人苦爲官屬阮濟勝爾同
情縹緲餐玉液漁獵到蜎蜎桃花蒙潤澤開門
望離菊何能忘三益

雨中過輞庵

林深寒易早風雨更無端
栗向青天轉筋吹白髮酸
稍聞鍾出岫相見藥憑欄
竹下斜生徑人來頗耐看

胡沂庵司李自南嶽道上以如黔草先寄
數日行部到攸雨中酬贈

楚山未了青雲興夜郎接酒人紫綺裘琵琶照
巾烏龍標亦後來摩挲錦屏石寥落一千載
峨嵋蠻烟白菁深瀾灌莽蕤猶偶盤結君枉白

乳香風吹大澤網鐵聲錚錚珊瑚遂絡繹三年
開嶽雲芙蓉煖松屐衡雁口邊來捲我門前席
玉屑奔檐端風雨涼絺綌昌黎開爐冶陶鑄到
張籍窮吟老南澗微沾漢魏液琉璃合雙眼終
與虛空隔手此若望洋蒼茫苦獨立屋角藏青
山蕭條獨四壁中間嵐與泉葱鬱呈榮戟垂柳
暗漁津無與度阡陌金瑟屬愁媒情淹兔園冊
青天雖可幕何山嘗跼蹐

晤嚴顓亭黃門

無才自合老墻東四面春寒更轉蓬太史占星
曾昔日故人惟我尚書空批鱗真屬清時鳳折
角還登一代龍却憶西泠橋下水淡妝濃抹醉
春風

送陳昌箕諭南平

冀昔方弱冠南游到牛渚起臥醉花間絃管狎
柔櫓君亦尚翩翩抗手同雲路秋霜不惜人彈
指各遲暮海塵旣已飛相顧殊藍縷垂老更無
家宛然見杜甫友亦鄭廣文坐毡寒劍浦南平

山色佳有泉必到戶君今白馬去油油望離黍
堯帝杳難期何天不杜宇天寶遺事多追琢見
風度看君頭已白是非自刻露莫遣後來人慷慨
徒懷古臨岐涕泗零春花落微雨

鄴下

平視殿前絕代人當時嶽嶽獨劉禪同根已解
相煎急猶自傷心賦洛神
荒塚累累七十二野棠開盡不知春將軍有墓
真書漢何用懷疑惑後人

對酒當歌古戰場春風寂寂雀臺荒征西墓上
花無限歲歲誰分死後香

鄂口懷吳旣閑

青烽南望歲炎炎何處謀身可下簾老去哀多
聞庾信魂銷別後獨江淹蒲颿夕指魚梁火明
月人畱市酒帘愁絕江天吟日暮同誰端坐憶
茅檐

春日祝周撫部

曾聞南極迴春至照平津鳳轉瓊房舞雲開玉

節塵探書因到西維嶽自生申青鳥風時下紅
綃扇賜頻明時逢浩蕩開府自清新宴濕桃花
雨盤浮芝肉春絳韞爭避路蒼玉獨垂紳金樹
天寵交梨散席珍遂聲邀鶴步松酒漬龍鱗
細柳蒙吏頌長椿簾疎開翡翠符下刻
文武分呈露安危合倚身冥靈原楚澤長
此復蒲輪

寄永新令黎愧曾

霜月上秋山紫暉明千里琴水相潄洞流寒淥

無比朱絃三十五有人抱綠綺南薰被阡陌高
山滿十指我年昔弱冠青鞵從此始沾沾裘馬
間清狂爲人喜賢宰字園客仁心及童子軒蓋
爲我畱襟帶吹蘭芷雄劍歸琉璃大風塵四起
原野厭人肉公侯等犬豕井鮒蒙大索傭舂又
過此山深無靜柯臨月空徙倚困游多素心取
暢蘆中士近傳袖裏書說尹口不止簑笠旅纓
簪聚舞凌都鄙瓜圃釣船中風日更和美滋菊
解雜菜差保薜荔耻少帝近臨軒廊清到釜簋

冰心徹玉壺碧波無彼此襦袴騰風謠流傳喧
玉几垂花難久淹四海歌孔邇落葉哀蒼生霖
雨無津涖餘情及名山大雅摧淫靡弱蘊仰喬
松雲龍亦妄擬銅盤羅閨彥而我失鞭弭風花
滿簾閣飛灑及覃耜輟耕望雙鳧滿引田間兕
朝拂葛屨霜擊鼓誦君子

燕市五月送董楚望還茗

蒼蒼茗上水園草綠無涯褐煖三年玉遂畱五
月花乘風移檜楫隨月到漁家日暮雲何限江

東望眼斜

嚴方公年丈解少司農任讀禮董湖北還
畱湖上數日有作

無端歲歲是天涯倦上高樓望景斜袖薄風飄
遠晚唱岸紅晴見蓼初花書藏東壁新開府水
盡南天夢有家肯割烟波湖一曲老年約上釣
魚槎

秦中吉農部枉過感謝一首

時余爲仇家
所中吉無一

面大責當事
不爲直枉

劉魚計

士
枕江堂

迢迢天半羨朱霞
碧映峒嶺未有涯
湘漲橫流迷杜若
秦風宛在憶蒹葭
石渠藜沒三更燭
玉蘂梅吹五月花
豈獨含情憐越石
更持太息到長沙
蓬心未解江湖遠
茅屋還依風雨斜
川媚珠明思化雀
杯留弓影仍驚蛇
酒酣漫拭三闕鼓
春去全荒五色瓜
車馬不因門冷落
還來江上聽琵琶

送羅如還山

蕭蕭黃葉送歸心
流水無絃獨抱琴
烽透故園

憐瓦合老依獨樹入雲深秋場得秫催收穫晚
岫當窓送夕陰稚子候門殊不正逐江真得釣
人心

雪中種柳

亂絮因風一樣飄畱鶯送客自今朝金塘泪下
情無限綠到南朝第幾條

雪中種竹

閑門僵臥不曾開徑造何人日日來逃入此中
誰得見祇因此意盡情栽

宿湯陰

琴聲愛惜遠王門
疋馬還投落照村
鄂國魂銷風角冷
侍中血散雨燐昏
詞塲遺恨收銅雀
野店留人索瓦盆
秋色長沙真獨遠
無邊木葉下中原

九日廬先安人墓側

歲華留不住
宛似夕陽頽
極目峰千疊
傷心土一坯
鬢凋爭雪白
樹老受風哀
辜負梅花甚
無勞索笑開

春風唐突甚倉卒入廬居往事悲橫梁餘生但
荷鋤椒懸杯澤潤粉漬荔枝疎愁見百花發無
因奉板輿

里中有賦蠹魚詩者予爲廣其唱

不須營九島四庫儘無遮白小疑同氣青箱果
世家儉歲亡三篋停餐待五車無心望吁濕屨
強免泥沙

牛口

沙河西唐文皇
敗竄建德處也

隋鹿逃江都群雄各飛揚獨有大原人豁達不

尋常夏王亦人傑徒步起南漳一發聊城矢義
問振王章舉哀謁元后傳首洗國殃能原琮與
蓋大義燦日光恭帝猶守府意氣托鄭王布席
隄尺昂唇齒遂參商亮節孚豚魚五鳥下翱翔
神器頗有托忘仇濟洛陽語聲激鬥祭酒謀
徒滅素服詣軍門不及中禦強立雖英畏失
律馭四方世充實纂人徒蜀無君胡爲賣忠
武酒血齒劍霜英風感千古目擊當時蜚

春日雨中無酒有懷趙公洞門

薄寒能耐老羊裘寂寂禪扉雨似秋瘦馬看花
惟白傳葛巾傳傲望青州撥雲濶絕南隣伴細
雨荒蕪西塞舟芳艸天連青極目可堪無事獨
登樓

歲莫有寄

檐前山色甚紅梅日莫無人獨據梧豈有芭蕉
真覆鹿不知苴意竟成珠梅花遽落寒江晚錦
樹篇吹萬壑枯先世絕交書尚在何煩雙鶴報
林逋

有貽牡丹者

春色媚檐端垂簾或永日北方有佳人傾城與
促膝胭脂樓初開蝶夢不能出明珠無忌憚六
宮寵亦失倏忽鬢雲飛風光還四溢雖有百寶
欄風雨往來密榮衰會有時頽然得放逸

赴大名謁兵憲孔公

偶然索米望朱塵蒸取搏沙飢更真不得揮絃
終一弄曾聞衣綉活千人長楊試取青蒲奏細
柳還垂白馬津鸞鳳鵷人共見折腰鈴閣豈

無因

江潭久不復爲漁陂足聊因緩步疎畫舫重新
張要地相公何必在中書百花有塲長投馬三
輔何人敢饋魚更向晚香亭上望玉杯行酒媚
秋蔬

十里亭

沙河西蘇秦陰資張儀
處今有東西兩蘇庄

儀秦喬松姿鬼谷同愛惜後有非與斯亦分蘭
陵席四君雖異轍爭以秦爲策蘇說秦不用其
爲六國役從親慮反覆資儀以自畫豈有曰杵

情脫友于困阨陋哉武信君啼笑無所擇妄謂
客卿榮安知蘇扶掖可憐李丞相忍令非就磔
青松委風雨車笠蒙棄擲季子雖詭秘猶能念
疇昔郵亭閱歲華悽風吹燕麥餘謀惑魏人生
死情遂易口吻固多智難彌虎狼隙衛成終不
保難辭亡友責三歎謝始皇何能不逐客

秋日送培兒還應省試

廐中淹累月落葉竟修途無絹堪資汝及時且
上書經年惟閉戶何日爛充閭千佛名經裡開

顏一報子

憐渠非一事三十尚無家
謀醉依僧釀無錢仰
畫叉珊瑚明鐵網玳瑁暗鳴鴉
莫上西陵去歌
吹散晚霞

旅店書壁

相憐蓬鬢漸如絲空意南山豆落其
出塞明妃
空特貌能詩蔡琰自多悲垂楊是處堪盤馬
廢苑畱人數看碑怨旣未明恩亦負青萍
惆悵欲
何爲

種樹

沃上敞西陲浩然滿風露瓦礫備櫛梳恐以傳
舍誤古人好著書閑情及種樹榮條辭故丘衆
枝欣內附羅列似兒孫參差隨意布梢雲起青
葱十年目所注安得歐廬陵成陰遂托付偃醉
得天年不勞匠石顧

採兒下第來省春日送之南還

五色雲迷萬卷書年年坦率復何如荊州廐內
無人事累汝樵炊自放驢

大河春色滿平沙芳艸隨人漲到家第一莫先
荒下溪秋來猶得刈桃花

東郭方塘可種魚官家有紙不求書太行雲色
時時白尚有慈親獨倚閭

銅臺雀去泣寒燐金帛渠荒春水新詞客霸圖
消歇盡白楊青艸問何人

門前

門前流水滿荒渠鳬雁東臯生事虛對客長年
羞五穀憂讒無事哭三閭春來爭鬪移花檻燈

下閒抄種樹書四海故交零落盡幾人畱得在
樵漁

胡石莊長公過沙山石莊懷詩次韻奉荅
同時飛逐憶南京明月猶傳弄篴聲垂暮至今
愁日落失晨空欲補更鳴停雲極目勞元亮黃
葉殊鄉類長卿寶樹扶疎堪息影更于冉冉得
脩名

甘瓜朱李事殷殷急雪吹巢並翼分孤館杳無
畱客雨故山空散贈人雲誰知白首慚蘇武獨

有無官羨郭文淵
澧不須憐袂襍已遭捐棄莫
相聞

答友

戍角悲生事柴門獨迴然
漁翁憐滿地山鬼嘯
寒天移樹常占雨通厨自有泉
河清君莫問泥
醉已年年

留別都門同寓

烽烟卷地古長沙
青草黃陵落日斜
歸去此中
門獨閉秋來時一望蒹葭

呂年兄新除南宮招同譜雅集時予輩亦
各還湘沔矣

同時裘馬已晨星君或無慚舊典型潘岳名花
原赤縣漢時大樹憶南亭金魚新佩沾鸚鵡玉
牛無塵散鵲鴿芳艸臨風能竟路馬蹄流水各
青青

秋日用韻酬費瞿如

長夜漫漫扣角同扶桑照夜獨王融菊黃寒冒
東籬雨鷺白竿斜西塞風雲暗荒原秦殿火霜

悽百卉楚宮桐徵求到骨無由訴愁絕重箋大
小柬

司空山

梁司空張岳
冲舉于此

舉家全在白雲中甚遂南游玉冊通劍鳥夜凌
滄海月齊梁草沒藥珠宮紫鱗自却金門詔碧
馬時傳漢祀豐大小蓮花青朶朶此中何日不
松風

石公寄歸山詩并索培兒畫因次原韻公

明舊少司馬也

安排脚底任流行玉節銅旌總一生舊犬相傳
入裾喜大官不用遣騎迎隔牕世畀峰無路待
月霜天鶴主更公自澄懷兒未解臥游行障盡
難成

寄王山長

虛名誰與救溝壑無孔無絃自息機小閣清晨
惟雀到大臣終夜望牛肥湖深釣可容鉤直講
罷魚應向席飛悵望嘉榮髭鬢好涼州聲外
人稀

確山阻雨

高閣延群岫空濛耐一看知時真好雨問俗亦
農官衰白餘鷄肋遙青墮馬鞍故園松菊香沾
酒碩人寬

蔓草無拘束榮敷滿渌疇招民遷絕徼棄地滿
中州驗歲空占雨經春失飯牛黨人衰漢業未
敢恕清流

都門留別李夏韋羅宗玉

春歸人亦往天遠望無涯倚樹憐明月垂鞭已

落花鶯啼聯榻雨園老故侯瓜還向蘆中去難
忘兩部蛙

爛醉生涯薄無勞說獨醒花憐人面改草入馬
蹄青畫角晴吹壘天涯雨散萍故人多原祿書
信悞飄零

秋日展祭宋廣平祠

荒祠一望樹全遮華酌將陳鼓數過流血公先
艾穢草招魂吾欲問梅花楚州淚向清宮墮嶠
谷春回止輦嗟一片平原殘碣在青燐寒雨夕

陽鴉

開國詒謀泣長孫
司晨終有牝雞存
教坊已進優人魁
嶺表難歸處士魂
風定哀蟬栖弱柳
天涼饑鼠拱修門
我來一問靈荃恨
慟死快快亦可原

春日同吳旣閑入香山寺

擗頭紛紛百花春
香紅霧白九陌塵
雄藩金犢開珠旗
觀者何人不逡巡
可憐蜂蝶情獨深
步隨花懶避人道
傍侏儒色喪沮招
搖黔驢與

素侶徑入香山看杏花宛轉隨人非一處金碧
崔嵬白日輝鈴鐸風聞聲楚楚熹廟四海尚昇
平金錢泥沙何足語貂璫禍水勢懷襄灌漑福
田入寶坊蟒玉衣冠虛墓高金貌珠玲滿雕牆
豐碑歲久苔花碧繡澀燕許之文章曾聞學士
亦礧礧胡爲模稜人意傷常時崔魏或無又不
能歌誦並飛揚君不見開元內侍聲赫奕廣南
道上何踉蹌中丞風度儼嚴霜能令天顏稱氣
魄蕭艾紛披各傾畎眉目蘭臺自刻畫

小引

魏子曰江南水鄉也皖最高波翻浪湧有懷襄之勢左旋歷九華迤邐五百餘里而接黃海海非水也雲爲之上峙三十六峰雲下走或聚或散挾風有聲有如海焉每夏秋之交驟雨初晴幻化尤不可測余已酉遊山中檄三十六人爲峯長各占一峯日紀其勝移書施愚山大叅曰此中必有以詩文作丹青者寄其性靈焉鬱鬱茲懷未旣覲也近過沙麓得讀戴雪看先生詩

新荷離奇藻不傷縟琢不隣巧彬彬皆澤于古
不旁今人門戶急攜與孔心一觀察快讀曰此
集名愜山更愜心矣迨晉謁于司馬郡署莊重
典型肅然起敬綰紵定交者三閱月日夕過從
講家庭父子之樂始知起家樅陽實祖白嶽覺
襲在三十六峰時與愚山期許者實挺生于茲
非皖水黃峰濯其魄而翼其神不至此吾聞龍
眠上有李居士焉博古識奇字所爲書咄咄入
神品得其片紙者如商鼎周彝什襲藏之將先

牛此集盡入繪事恐畫中有詩尤爲居士所妬
而世之寶三李者且轉而宗二戴矣買雪舟而
人剡溪非僅事也昔壬子之臘念有二日

百名家詩選

福清魏憲惟度輯選

萊陽宋琬荔裳滄州戴王緒紳璜

叅

桐城姚文燮經三金谿王有年研田

戴其員號雪看桐城人

題沈石田山水限上真

縱筆寫天地山川發興新峰迴徑忽轉澗斷泉
還親鶴邈隨雲影魚潛任釣綸壁間非近玩點
綴化工春

題藍田叔漁樵煎茶圖限六麻

輞川餘景在，酷似野人家。
漁艇隨風蕩，樵蘇取徑斜。
閑將深磳雪，點煮北源茶。
蘸墨有如此，探奇何事賒。

讀周伯衡先生寄詠雪詩十二章

名區棲碩彥，瑞圃會佳辰。
詞賦裁雲舊，霜華染翰新。
梁園誰授簡，鈴閣有芳隣。
酬唱和歌裏，雙旌捧鳳綸。

春日詠懷

時同馮惇吾使君方還青劉伊思賦服
韻八首

千峯競秀揖重門橫木求閒似了元石徑苔痕
無屐破平疇麥浪任雲翻柳殘猶不逢南信月
落那堪聽蜀魂潦倒簿書終日裏敢云利器別
盤根

寥落郊原烏暗啼晨炊煙靄數家迷老農泣指
明星爛處士悲墜杲日棲逐月鳩聲思石燕先
秋柳色悴黃鸝渠流細咽甫田渴孰起潭龍到

漢西

小築園亭不構堂簡書寬我坐繩牀微吟間以
酬詩史呼飲何能到醉鄉未去三春先夏暑頗
將一雨變秋涼落花飛絮偏來急故故添愁斷
客腸

春水盈盈書寄吳菴寒不必向秦呼三年我愧
侏儒飽比偶兒償筆硯逋冷入吟蛩難辨響笑
捫譚蝨豈綠鬚喬雲社名兄弟飄蓬後雪霽風清
憶刻無

填堦草色爲誰偏春日遲遲野况濃叱馭叩
無所恨修途蹙蹙反成慵荒城好種花千樹冷
扉惟煎雪幾鍾渭北江東空送目青山縱處白
雲縫

種竹鋤蔬恁似家斷壑燒符客情賒文章憎命
消年少薄牒嬰人促髮華未驗維魚占歲稔漫
嗟孤鳥滯天涯空庭鎮日無多事雙樹高枝鵲
自譚

一枕孤帆直到南醒來長歎遠爲官風遲山色

雲移緩夢殢江程
露滴殘故里何時蕉葉醉他鄉
還啖菜根酸烏聲歷歷經簷隙
喚我雙眉且放攢

南北春歸共此朝
欲將離恨寄輕刀羊腸却笑單車馭
鷄骨難支匹馬勞阻道伊人宛在水
縫裳季女不吟曹龍山舊有幽棲處
別後松芽幾尺高

懷麓映翠

天雄十二景

懷山賁土漢河防
沙麓曾占聖母祥異代勲名

留史冊盛時風景屬蠶桑梨花歷落凝霜白柳
色參差帶雨蒼掩映烟雲無限意爲騎瘦馬踏
春陽

洪衛浮青

共伯蘇門山下水千里來爲洪衛河秋漲雲連
村樹遠春晴烟擁片帆週風光若此時光換歸
興何如酒興多我欲臨流揚一觴岱宗東望鬱
嵯峨

金隄秋月

蛇蜒無際障秋霖
鳬雁飛鳴大澤深
百里波通遊屐月
千年隄在濟川心
魏公板築餘名勝
寇老經營變古今
此日不須矜重鎮
好將風景肆幽尋

東館春華

博洽高風不可攀
先生遺館在人間
塚中蝌蚪文猶在
笙吹詩歌帙尚班
桃李穠華苔蘚徑
麥趁漸秀水雲灣
幽人逸興誰相識
獨向平林謾往還

晚香挹露

愛蓮茂叔奇文在又續韓公秋圃香古柏參天
風度遠名花繞檻詠歌長山來勝地開懷抱老
大餘閒自徜徉作賦登高慙往事餐英是處樂
羲皇

衆樂襲芬

潞公雅意築高堂人去堂空花自芳事業中原
從載筆風流遺俗尚飛觴千秋寒雪梨仍白萬
畝黃雲菜有香正賴邵君能志勝不將廢蹟委

倉茫

古碑寒烟

宋帝曾題五禮碑尚餘斷石偃荒達曉風霞舉
龍蛇字秋露烟橫幼婦辭荆棘銅駝千古淚墓
門金枕百年悲庠娑苔蘚心如結痛酌豪吟慰
所思

沙灘暮雨

千家樓閣萬舟橫烟雨迷離薄暮情伐鼓考金
喧水國吹笙撥阮度雲輶傍人踴躍樽前笑買

客經營夢裏行獨有少年無意緒
金沙灘上看調箏

雲石秀區

城南韋杜久知名臺榭參差照眼明
遙水通渠穿複道小山當戶接蓬瀛
謝安定爲蒼生出裴度聊抒綠野情
佐郡慙余無寸補閒尋花徑仰高薨

井泉仙梵

廢壘猶傳宋麗譙梁公祠宇已飄搖
桃林寂寞

飛紅雨土阜縱橫長綠苗梵井忽來功德水經
聲常沸浙江潮憑高無限興亡感十里烟雲暮
又朝

文閣夕暉

尊經閣敞俯郊廬朱檻遙臨衛水前泰岱浮沉
當戶牖烟霞掩映接梧捲徃時湫隘人心鬱此
日巍峩物望懸愧我追隨公瑾後醇醪每醉夕
陽天

講堂朝旭

浴池朝景遠
墮墮地敞偏
宜楊柳風鏡
吹久虛
歸馬後絃歌
重聽語鶯中
憂來製錦章
難報老
去論文步未
工獨有水盤
春苜蓿團團
初日小
齋東

孔憲臺醺雪八詠和章

畿南使節綵雲開
讌雪樽浮舊酒醅
葦屋凝寒
爭挾纈郢歌屬
和共登臺
參差玉樹堦
前發
彷彿銀河天上
來一片空明誰
得似冰心久已
絕
塵埃

元日先春曙色開
半旬飛雪泛殘醅
氷攢列嶂千峰樹
玉照高原百丈臺
處士閉門僵臥足
幽人策蹇探花來
平疇彌望六花滿
萬里風清絕塞埃

雪吹空庭玉樹開
老農呼酒盡餘醅
同謀墮戶煨松火
何暇披簑上釣臺
飽犢不思穿凍出
饑鳥似欲觸寒來
平鋪遍地豐年瑞
誰入太虛一點埃

積素連陰迥不開
望中千騎擁春醅
鳴弓欲向

瑤華樹擢甲爭趨白玉臺勁旅衝風逐兔去將
軍帶雪架鷹來饒歌飲至凱旋樂還憶沙場起
暮埃

夢裡江山照眼明千峰萬壑玉填平醒來紙帳
梅花色還向空階瓊砌生愁濕黃鶯猶未至群
飛白鷺自相迎閒曹鎮日無多事散步商歌過
短櫓

翠華臨幸九垓明飛雪塵清輦道平綵仗春隨
淑氣轉蒼龍花擁卿雲生光搖銀燭旌旗動色

晃朝衣劍佩迎

九廟

陵宮裡祀肅千官拜舞別堦楹

飛雁南來度水明
天空雪淨暮雲平
隴頭書信猶遲至
笛裏梅花却盡生
鶴氅爲衣足眺望
晶盤供客少逢迎
家鄉回首十年事
長嘯高歌倚檻楹

雪霽漸流素練明
風光無地不昇平
金莖玉露乘春湛
火樹星橋帶月生
土脉墳盈南畝載
層

永解凍東風迎飲和食德惟推分晒藥攤書有
數楹

山居

次魏惟度韻八首

深山夜雨漲桃谿綠黯紅鮮落照西藉草任眠
蒼徑鹿當窓祗蓄長鳴鷄唧唧嘈雜幽禽細笑
兀巘峴古木齊坐對歸雲青冥色棲鳥猶自傍
人啼

巖居

勝侶漫尋舊虎溪幽棲巖壑小意西潺潺水澗

長堤鳥寂寂空林午夢鷄地僻杳無柯斧到居
高似與嶺雲齊朋儔寥落烟霞外愁聽夕隲杜
宇啼

樓居

危樓百尺俯深溪坐臥渾忘東復西嘹唳遠聞
鳴游鶴蹢躅晴看舞鷄晚霞照野楹前出曉
日當窓木末齊憑高眺望開懷抱巢鵲山鳩次
第啼

茅居

四面環山抱一溪
誅茅編槿斷橋西
市遠祇憑銀繫鹿
時清不聞渡頭鷄
鷺鷥雜沓沙邊偶
花樹蒙茸竹屋齊
風景幽尋元絕俗
悲蟬何事不禁啼

酈居

紫陌紅塵映碧溪
幽人宅在水涯西
南橋公子會馳馬
北郭俠邪來關鷄
開徑詎云蔣詡並
著書欲與虞翻齊
昂藏七尺非無淚
不向牛衣臥裏啼

船居

烟水垂綸不着溪
笠雲蓑雨任東西
空濛霧裡驚秋雁
欸乃聲中聽曉鷄
蝦菜生涯隨日足
簞箸事業稱船齊
鳴榔恐觸蛟龍怒
弄掉且隨黃鳥啼

水居

世網撈人避
宵溪性耽岑
寂水鄉西
但能海畔狎鷗鳥
莫道雲中墮犬鷄
春醉天桃含色重
秋肥蓀荻長苗齊
數聲漁笛滄浪興
休管鷓鴣夜

半啼

村居

卜築由來傍水溪
綠陰覆屋柳垂西
繞飛貪愛啣泥燕
催起莫尤報曉鷄
四野浪翻麴麥動
一庭香送稻稭齊
閒來欲作梅花賦
社酒村歌任笑啼

癸卯春補階州牧四月之任途中見聞及
任內閱歷紀事八章

首夏鬱蒸別 帝里蕭蕭馬首向關西
奇峰建

元火雲地炎海森茫道暘栖一路鶯歌迷上花
兩行柳綠傍長堤漏深正欲眠清簟慵聽荒邨
午夜鷄

初捧除書武都日原田麥浪正翻秋黃河九曲
穿秦塞太華三峰擘隴州架屋層巒綠鳥道接
橋斷岸替桴舟不悲危險單騎御萬里雲山一
望收

驕陽杲杲野田焦巫祝村童舞柳條共望伏雛
飛石燕誰將神糞湧山椒雷聲未送千峰澍鍾

響隨聞一寺曉

秦中雷禱恐水電隨暴雨至群赴寺觀鳴鐘鼓

災青恐

生人意外不如耐暑任災歎

途中遇旱

華山別後幾經秋此日重來感舊遊十載相思

勞夢寐千尋登陟豈悠游蓮葉冉冉無開落玉

女飄飄任去留箭括車箱渺歸路暫棲此地卽

丹丘

甲午春過華山之西鄉任今再過

武都衙宇倚山隈積翠連雲滿座來麥隴最宜

春夜月花陰還映石岑苔櫻桃曉日家家熟鸚

鵡畫欄裊裊危偏是淒人腸斷處邊笳羌笛兩

相催

乘驄使節出雲霄萬里共球捧盛朝沙苑遠供
赤血種羗番飽飫紫茸條拔茶自古誇良吏易
馬寧今累庶條聖主籌邊多碩畫普天稽首
頌神堯

武都 文廟兵燹焚燬規模雖具缺畧甚
多且復塑像予修建之後衆議請仍
設主予從其請而丹壁間嵌一石像
則吳道子筆胡安國鑄于蜀庠前牧驢

善手勒石者也瞻仰之下人心悚然拜

颺 遺徽恭紀盛事

右文元不異窮邊禮樂光輝舊管絃廟貌聿新
兵火後威儀早失象形前敢云道子能圖畫猶
賴安國爲傳鐫精爽依稀盼蠶地增修屬意藉
才賢

取士復用八股武都士銳意註疏之學公
餘請予說書因示

說經腹慙侍中笥臯比何當北面師犧畫以前

元有易孔刪之後豈無詩典謨讎較齒牙誤編
紀傳訛亥豕疑講席從遊多英儁干城吾道在
於茲

晚香堂因韓魏公建也今堂歸然獨存而
挹芳襲香二亭周使君次第新之殆秋
圃勝槩也爰次宋御之孫青門韻賦詩
四章

晚香亭

何年結構晚香亭韓老聲名自古馨竹葉姬媼

風入牖柏枝盤屈蔭遮庭寒花不改凌霜節芳
草何須點翠屏叅佐風流庾亮興各天悵望嘆
晨星

挹芳亭

亭榜挹芳秋圃邊濂溪風月繼名賢籬根旣種
千株菊池水還栽百丈蓮調鶴馴麋夕照地浴
鳬飛鷺曉烟天只因吟弄胸中意故覓輕舟載
石還

襲香亭

亭榭層層接晚香忽驚黃葉又飄霜芙蓉露濕
丹楓落鷹隼風高海燕藏野色蒼茫連幕遠客
懷澹蕩泛杯長魏公事業千秋在憑眺如今意
欲揚

準提閣

官衙誰似祇園清淨土莊嚴悟法精碧糾輝煌
金世界琉璃映徹照編氓踈鍾不破華胥夢梵
誦如聞潮海鳴小閣嶙峋霄漢聳香臺此豈世
中情

贈趙山子次韻

衡水寒江入望明，扁舟泛雪不勝情。
雄才匪畎追莊叔，高節還兼似管寧。
榻下晚香慳載酒，歌留沙麓憶題名。
金門奏對臚傳後，霞蔚詩文醉六經。

賀劉叔同宴爾

多君風韻蕭郎儔，高踞元龍百尺樓。
鳬舄翱翔天闕近，鳳歌倡和綉帷悠。
金沙不隔藍橋路，衛水遙連銀漢浮。
此日翟珈照綺席，懷中玉燕帶

雲流

懷汪梅湖

夢思千里溯江迴
文藻風流曠代才
著述窓生書帶草
辭徵徑沒老蒼苔
漁歌隔浦晚烟入
鶴嘯高原曉霧開
漱澗湖光春水濶
扁舟盪漿故人來

重陽前十日季廣之自黎陽來訪投詩和贈

千里離家歸夢長
荒園逢客近重陽
山楓落葉

迎霜赤籬菊含花帶雨蒼苔詩思闌珊無地發天
真爛熳待君將郊原誰是憑高處我欲移樽佩
紫囊

重陽前偶值風雨淒其季君索韻

映日楓林翠壁丹半天風雨助秋寒黃花沾濕
冷偏艷白雁驚颺慘不懽逸興閉門烟一縷故
人清話緒千端我同吏隱君流寓莫作山陰返
棹看

重陽後一日與季廣之咏菊拈得吟字

暮對寒花共客吟
颼風入戶吹衣襟
已浮佳節重陽酒
猶抱東籬賞菊心
魄濯冰壺月下問
英零玉露霜天尋
陶家不獨能憐汝
冷艷芳華自古今

鳩

桃花片片漲新流
隔岸鳩聲喚麥秋
呼雨應憐農稼苦
逐雌寧爲樹顛謀
不隨黃雀喧晴語
時伴青裴刺水儔
好覓田家桑落酒
陶然一醉共忘愁

燕

呢喃燕語細聲稠
簾外輕盈拂剪鉤
入幕宛矜新羽翰
棲巢猶憶舊春秋
但隨翠袖飄宮扇
不逐黃鶯上戍樓
社日來年風雨後
應還掠水過牆頭

杜鵑

春山蒼蔚草纈紛
杜宇沉沉叫夕曛
苦淚難眠深夜月
哀喉欲喚曉天雲
花留蜀國啼痕在
影過吳江望眼分
梁益計來千萬里
淒聲到處不

堪聞

蜂

隨蝶尋芳過短牆
遊蜂無賴更顛狂
腰非沈病三分瘦
色逞陶籬一樣黃
不怨東風殘艷質
那堪螫尾妬花房
膏樓脂粉飄香袖
誤逐嬌枝採綉裳

蝶

春深蛺蝶欲飛低
嬌曳曉粧媚綉圍
纔逐香風尋曲徑
旋隨午夢過長堤
探花不畏朝烟濕
嬌

舞寧知落照西自識劉郎粉退後廬山雙艷任
評題

小引

魏子曰近讀書漆園枯寂無事步一小村中聽
老塾師爲劍氣之歌匿笑不止歸與友人吳星
若謀曰此老不善率真自取嗤誚吾輩詩文亦
當改轍勿事濃粧厚抹枉作東施也案頭因取
劬菴先生詩誦之無意于高而步凌垠堦矣無
意于深而泝增波瀾矣無意于幽而徑轉冥寞
矣急移向月下兩人對吟曰此率真詩也汰昌
谷之險澁欽太白之粗豪去朝川彭澤之蕭淡

駸駸乎其進于少陵者乎曩空同以詩鳴北地
議者謂得杜之神觔菴固地靈所鍾也取空同
與之頡頏上下安得謂我不見古人也因付之
梓爲斯集先聲焉

百名家詩選

福清魏憲惟度輯選

合肥李天馥容菴吳江計東甫草

貴溪鄭日奎次公桐城姚文燾彥昭

李念慈

字岷嶺號劬菴涇陽人

題畫

秋色澹空巖夕陽挂疎樹于中見村籬長年安
霜露秦使不可求茫茫隔烟霧山氣自南飛蒼
然成遠暮疑有餐霞人卧在烟深處

朱圉山

我過朱圉山山勢何縹緲丹崖卧橫紋十里行
未了塞路風沙集冰溪清渭遶雞犬叫雲中人
家出樹杪天寒烟不上道險壑方窈移神探古
蹟流目矚去鳥海內多戰鬪河西尚征勦苦爲
行遲遲半是憂悄悄雲開西傾青日出伏羗曉
問奇懷胼胝尋幽披蘿葛因愛山中靜人世多
紛擾

阿壩東山晚眺

騎馬到松岑萬綠渺無數况有一片月挂在西
陵樹遙遙陟寒坂被榛入廣霧亂山何纍纍陵
谷相廻互黃河自天來巨波東南注極目俯大
荒風沙千里暮海內多戰伐邊功競馳驚良馬
千隊連士卒白金募聯營卧冰霜轉輪披寒露
殺傷不足論策名良已誤我來經戰地鬼火照
空素黃羊走沙磧飢鷹啄狡兔連峯接渺茫落
日遰風怒長林振響籟空阿生深懼持觴弔往
昔慷慨各相顧寄語嶺上兒莫唱丁都護

飲淮上酒舍

扁舟向酒家綠花錯如繡中有桃源人踟躕曳
廣袖他鄉欣同里相邀飲醇酎遙天散素秋涼
氣澄清晝迴風振葭影浴鳥紛馳驟雅歌絕俗
響短笛復迭奏陶然坐及夕放談話故舊脫巾
入歸艇湖光蕩列宿

江泊看月

輕帆轉石城月皎維舟夕春晴過上弦澄江應
潮汝小舟少板屋水宿覆片蓆孤光對欹枕流

寒著背脊披衣出短船久立愛清魄冥冥山色
若濛濛江氣白四顧意寥廓幽賞寄空碧

瀑園醉歌

南家池館依林麓青山一帶豁雙目截嶺爲峰
爽氣橫飛樓複道凌空矗老竹撲墻十萬竿幽
深盡日無剝啄主人飲我還看松黛色叅天亂
酒客松間窈窕轉危石好月娟娟來照客醉後
和月卧松根吐出玉花潏琥珀可憐把筆空復
豪眼中山水題不得峽口懸濤噴雪來氣寒侵

袂聲喧。此時酒醒念夙昔紛然萬感心崩摧。
君擊鼓我起舞。吳兒羌笛春宵午。乾坤莽莽我
意氣相看淚如雨。

灞上贈別茂挺生

洗室中郎有蔡子。愛拂朱絃對秋水。期牙旣往
知者稀。吁嗟雅音尚賴此。北海茂君雅善余。兩
載過從交不疎。東將入海卧白雲。更倚日觀註
古書。我送君兮終南麓。颯颯霜風寒落木。却出
襄中嶧陽桐。爲余更奏高山曲。驪馬嘶兮灞之

千請君且復罷
猶蘭今日相將聊爲別
欲飲不飲空闌珊
長歌贈君盡君卮
明日憶君天之涯
與君不醉將何爲

東湖訪費子范出近詩

玄冥行冬冬欲老
冰花一夜吹瓊島
我出青門過素滻
見君手寫東湖草
苦吟能使鬼物泣
纖眉習氣一時掃
世上紛紛逐埃塵
輕裘肥馬安足道
東湖有廬堪共卧
東湖有尊堪共倒
我欲東湖把一竿
坐弄滄波對晴昊
生事驅人兵馬

間躊躇何日開懷抱

馮公署中移小松樹栽

種松亦不多映屋頗扶疎二月天氣寒綠陰匝
清泉與君步履西園內十株五株使人愛灌溉
寧惜童僕勞護持未許風雷礙金天蕭颯冰霜
冷參差欲偃千年頂風起時聞笙竽音月斜紛
走虬龍影過城烽火今無有政閒常得徘徊久
松間吟詩松下卧客引壺觴主稱壽君不見昔
日種竹王子猷對此速宜酌一斗

廣陵濤

大江八月秋氣高海水上溯激洪濤雲亂山飛
雷怒號灌阡漫沲沒江皋漂揚推逐愁萬艘蛟
螭迫顧失共曹海門之西小孤東奔湍怒起千
里同浙江錢唐水盡立石城鐵甕湧潮中元氣
掀騰無始終赤岸或圍日母通廣陵曲江吹聲
急觀者如雲岍邇集衝崖打壁態變幻駭情賦
目紛難給初來激浪生渟泓勢大漸看洲渚平
水關涌喬蕩委曲林園蓊蔚生空明移日濤歸

景色清萬人散亂舟楫行市樓高啓酒旗出錦
纜徐牽榜歌鳴江南踏潮聞更奇旬隱迴合迷
津涯枚生奮筆詞難罄子胥鼓浪情可悲宇宙
奇觀那盡見黃中霜雪風將吹一尊痛飲愁寥
廓淚滴淮江生賦詩

三鑑齋

石長卿先生書屋

名士讀書處深秋薄暮初夢花風更落菊葉雨
還舒壁率蛛網青細食蠹魚江南鴻雁絕吾
道欲何如

渭雨吟

渭城秋欲暮爲客賦無衣任懶逢迎少常貧問
訊稀秋聲風到枕夜色雨侵扉誰念幽窗裏徘徊
未得歸

葉落庭柯寂橫斜對我門參天終有幹逗月欲
無痕鵲鵲河中浦蒹葭檻外村濕雲垂不斷何
處望林園

肩樓山子上云是青緇堂細草危巖綠名花邃
谷藏石欄俯流水土木欺城牆車馬誰還至空

崖下夕陽

尚書墳墓地寂莫向平蕪落日空山下西風老
碧梧翩翩秋去燕縮縮夜眠狐爲問城中客經
過墜淚無

冬喜蘓雨若解綬卜居城北

載石歸來日寒雲釀雪初開樽盈白酒入饌有
水魚春暖應移竹身閒好著書爲隣多樂事還
往肯教疎

秦州

杜老羈栖處空山但鳥音驛樓霜月小客夢故鄉深薄雷橫高樹蒼崖俯密林近來詩興少到此一長吟

別顧與治

南國推詞伯論交獨重君忘年呼小爰敦朴近先民譽毀從時俗才思動鬼神衰年常卧病藥餌正須親

西園蔬畦初成課園丁疏渠引山泉入塞水流沙近分來一勺清徐看穿圃入細作遶

籬行幾處花根濕滿園春草生畦蔬如不乏何
必憶蓴羹

城西水聲

塞上流沙水難聲響近原夜深聞正切月下聽
空煩劍冷青萍吼琴清白雪翻西園竚立久因
得靜中喧

小橋

小橋如畫裏秋爽更宜看八月天山下千門落
水殘烟光凝暮色水氣動宵寒賸有如澗酒狂

歌興不關

石

清砧秋月下
織手搗寒衣
絕塞愁將寄
征人處
不歸關河鴻
去盡雲雨夢
來稀夜久聲
還歇涼風透
薄幃

剛成屯

夜宿剛成屯
一老負其孫
兩面俱菜色
手持樹葉餐
苦稱窮餓極
乞食活朝昏
爲我數隣里
十家九不存
月中雨如齋
盡去空此村
亦有好室

廬捐棄隨人奔民生習危亂歲饑有變翻居恐
逢迫脅相從遭戮冤不如之他方展轉草樹根
餓死免惡名猶幸爲良魂聽此詎忍盡感歎章
爲言

秦時石表

方石類削圭立在東嶽巔相傳秦皇置孤高凌
紫烟漫滅絕文字無乃結繩前封禪事幽闕奄
化無畱連好太窮四海流弊毒萬年七十二朝
代踪跡同茫然空鉤徒爲耳身沒見愚賢民口

不可防况乃欺皇天

涿州安仁寺四松

昔游金陵寺數禮長干塔最愛六朝松扶踈指
開闢五月出長安炎蒸路難越赤口焦顏面黃
塵沒短髮長林翳古剎眼望心已達進門失裂
暑旋行解短褐更入得四松銅柯自薜匪對坐
恣偃仰塵襟一洗豁老僧習若遺狂客性所適
干戈滿山澤喬林多剪伐如何大道傍猶得見
此物託始難具考增崇萬曆末巍然留蕭森母

亦仗佛法殿閣金碧存節宇規制濶感懷百年
前太平寬民力征途方冉冉緬維神超忽安得
據胡床長此看明月

冬日濟南送李佳木返任城觴罷出門佳
木指寺寓池柳謂老僧曰恨不見白綿
金縷常有畱題余曰白綿金縷具柳性
中正可于池冰逕雪中想見之若必待
春來是見春乃見柳也戲索筆題一律
于僧壁佳木和已乃行

戶外長條鼻細微方塘寒影挽征衣春來飽見
青烟鎖暖日還看白雪飛游子行時忍攀折佳
人別後想腰圍山僧未惜風流絮一任粘泥怨
落暉

李滄溟先生墓

慟哭斯人歿空經墓下田亂山還白雪森栢向
青天盛世文章貴高名日月懸豐碑藏蔓草猶
藉後世賢

舊無碑施愚山視學
山東爲刻石表之

華州道上張伯式邀餞卮園

細路春畦裏危亭泚水邊石林疎繫馬柳渚曲
張筵勸酒歌頻發尋幽坐屢遷平生真率意見
爾復流連

路傍望王氏園林舍定卽步入主人延余
小酌出吳兒度曲

地迴遺春任廊廡引步遲把荷憐楚客度曲得
吳兒笛囀聲融竹箏調手應絲平生習疎放達
暮不知疲

東烏嶺回望平陽懷毛錦來司理

東行登峻坂跋馬望君頻
好會重分袂離思綏
損神才名知爾大披豁
向吾其後晤當何日相
期帝里春

山下許梁諸村

南下太行麓平原錯綠疇
數村烟冉冉千畝竹
修修暮靄牛羊下高田
禾黍收軟沙蘓馬足縱
轡復何憂

綠河諸村

寸葉如荷碧柿林勝橘黃
野田連密黍官路出

長楊處處催河賦
年年赴築防汴東
新又決千里沒農桑

秋日寄內

歲歲常爲客
今秋又不歸
每憐人兩地
不及雁雙飛
獨言家
顏改長
實生事
微它時
或相守
只惜由年歲

十四夜看月

客路中秋逼蟾蜍
只自看頻行
聞短笛獨坐憶
長安影射天河
爛光生玉露
寒濁膠村店有買

酌一杯寬

同陳伯璣孫豹人夜集施愚山學憲寓齋

論詩和韻

乍見卽相尋青尊對素心
兵戈諸子在燈火一宵深
大雅誰從古流風感至今
少陵如可作千載有同音

爲圃

去年種菊映庭除今歲籬邊復種蔬
隨意剪裁綠小徑關心風雨過鄰居
豈花棚下清秋早禾

黍梢頭。月初初。漸喜城中來往絕。幾罨濁酒日
蕭疎。

秋晴

連朝密雨新晴後。坐對南山倒接離卷。慢日光
纖。淡淡閒窗雲氣尚垂垂。城邊禾稼經淋沒。河
上村垣入夜危。從此消愁非一事。客中盃酒莫
深悲。

華嶽

秦山山盡華山峰。仄磴穿雲叩帝封。萬里浮烟

藏玉女千年積雪卧蒼龍經春總聽危巖溜入
夜應聞長樂鐘傳道黃精可服食那能猿鶴日
相從

紀異

戊子五月朔日食至盡
亭午昏黑星辰俱見

朔日晨興逢日食憂時無賴倚筇看陰陰雲物
蒙高閣湛湛星辰見急湍兵氣九州爲晝晦霾
風五月覺天寒年來災變渾經眼何日蒼生起
謝安

關山

亂峰層疊鬱盤旋
累日山行欲到天
坂道馬嘶千樹杪
飛樓客卧一牀懸
村橋高隱烟雲密
瀑霤寒凝冰雪堅
向晚不堪西望阻
遙城烽火正鳴弦

僧保長送菊

客裏看花事已殘
數枝分贈抵琅玕
移從籬下青霜謝
綴向檐前玉露溥
故國晚香勞遠夢
石城秋氣動高寒
由來此種黃金色
好與顚陀面共看

家人至聞故居賃人移家南舍湫隘特甚

心頗煩憂作詩遣懷

貧向今年典故居移家新住道南廬苔深頗滑
高人履地僻仍煩長者車破屋儘教斜受月繩
牀不礙日攤書窮愁著述宜棲此漸愧無才賦
子虛

茆齋舊築纔容膝合室今依此是家遽屋垣墻
低竹樹凌人風雨濕桐花窮是結客心猶劇濁
世求安願豈賒歸閉柴門讀商頌吾生端不任

豪華

江中放舟

廬江城下發凌晨暮指潯陽近比鄰迅似征鴻
初奮羽捷于奔馬不生塵岸山好處看旋失浦
樹微時望已親自詫一帆真太易翻憐愁殺守
風人

行匡廬山下

匡廬山下識春暉斜擁肩輿入翠微萬壑松雲
寒客路滿空嵐氣濕征衣啄花小鳥啣花去出

水輕鷗掠水飛景物都從閒處好市朝應是見
來稀

清明

幽卧都忘節序更傷人爲說已清明三年拜掃
遠涇潯萬里飄蓬對石城春雨足霑村路濕江
花偏照客愁生孤雲每日看應盡腸斷歸期總
未成

舟中看新月

扁舟日落維荒渚新月光生慰寂寥
寒裏細翻

金蔓蔓蘆邊曲射白蕭蕭亂檣徹夜繁燈火孤
夢移時數動搖却念故園人悵望玉鉤清冷照
無聊

春日張友鴻招飲家園索童子度曲

時友鴻將

之任
滇南

愛汝園林迥貯春板橋流水碧粼粼疎梅照影
斜臨檻婦鳥啼聲側向人萬里壯行須縱酒三
都擅賦莫憂貧幾年不聽秋郎曲且醉尊前一
闌新

行汴東河決處

森茫彌望白汗漫捲諸村聞道汎沒下突衝淮
泗昏汴東深澤國毫邑浸城門翠柳傾猶活華
堂濕易蹲萬家蛙產黿千里穀漂根魚鼈吹難
住蛟龍怒坼簫酒酒昏墊接滾滾浪花翻婦子
奔中野無家依斷原秋高霖雨急日暮哭聲繁
堤岸成村落蓬葭克屋垣短籬兒女出露釜爨
烟燔客路傷災異經過長鬱煩兵戈餘井逕沉
沒到鷄豚大吏勤操築星馳罷乘軒年年急麻

卷之七十一
六
光
柳歲歲護居屯供納古城德農桑幾處存偷生
還苦役何路顧高閭蒿目哀鴻雁悲歌淒斷猿
行藏愧庸碌漂轉任乾坤無力拯胥溺吟詩吊
楚魂

題友人畫山水

拂素寫青山茅屋疎林裏莫放秋風吹恐有秋
聲起

路逢故鄉客

知是故鄉人都忘呼姓字相逢山路間彼此俱

同顧

題畫

曉日銜山遠，喬松隱坐深。
行來衣盡濕，嵐氣欲相侵。

夢中成絕句

城土春風城下水，隴頭烟霧隴邊起。
平原極目望迢遙，一片春風烟霧裏。

題畫

細浦蒼崖遠近村，孤烟挾雨闢雲根。
米顛若在

前溪住應棹扁舟夜到門
平沙蘆葉蒙茸出深澗芙蓉爛熳開獨鳥迴風
樓木穩滿江秋色暮雲來

楊柳

紅雨溪邊迷舊路寒香隴上寄相思春來多少
傷心樹不獨垂楊綰別離

廬山道士

遠岫出雲帶野烟微聞人語隔清泉何由得到
山中住來往春畦亂水邊